



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 23/11/2021

**Här President,**

**Sou wéi den Artikel 81 vun eisem Chambersreglement et virgesäit, bieden ech lech, dës dringend parlamentaresch Fro un de Premierminister & d'Ministesch fir Interieur weiderzeleeden.**

Aktuell ginn an de Gemengen Ënnerschräfte gesammelt vu Bierger, déi d'Demande fir d'Duerchféierung vun engem Referendum iwwert d'Gesetz iwwert déi rezent Verfassungsreform ënnerstëtze wëllen.

Detailer iwwert d'Organisatioun vun der Ënnerschräftesammlung goufen de Gemengen iwwert d'Circulaire N°4055 matgedeelt an d'Ënnerschräfte ginn op Lëschte gesammelt, déi de Staatsministère un d'Gemenge verdeelt huet. Well heibäi net virgesinn ass, dass fir all Ënnerschräft een neit Blat geholl gëtt, ass et jidderengem, deen ënnerschreift, méiglech ze gesinn, wie virdu schonn ënnerschriwwen huet.

An deem Zesammenhang wéilt ech de Ministeren dës Froe stellen:

1. Ass d'Regierung der Meenung, dass d'Ënnerschräften op der Gemengen aktuell dateschutzkonform gesammelt ginn?
2. Wéi goufen d'Gemengen doriwwer informéiert, wéi si d'Ënnerschräftesammlung dateschutzkonform duerchféiere kéinten?
3. Gëtt et iwwert d'Circulaire N°4055 eraus eng eenheetlech Richtlinn, déi d'Regierung erausginn huet an un déi d'Gemengen sech hale mussen, fir eng transparent an dateschutzkonform Prozedur beim Sammele vun der Ënnerschräfte fir de Referendum ze garantéieren?

Mat déiwem Respekt,



[www.piraten.lu](http://www.piraten.lu)

---



CLEMENT Sven

Député



[www.piraten.lu](http://www.piraten.lu)